

ARLeF a Gusti di Frontiera: ancje la marilenghe tra bancuts e visitadôrs

Specialitâts culinariis e lenghis diviersis, coniugadis insiemi, a rapresentin un teritori speciâl e atratîf pai flus turistics

La Agenzie Regjonâl pe Lenghe Furlane (ARLeF) e va indenant tal so impegn pe promovion de marilenghe in ducj i contescj di agregazion popolâr. Propit chest al è il motîf principâl che al à sburtât la Agenzie a confermâ, ancje par cheste edizion, la sô presince ae manifestazion enogastronomiche “**Gusti di Frontiera**”.

In particolâr, **sabide ai 29 e domenie ai 30 di Setembar**, la ARLeF e sarà presinte in place Sant Antoni cui volontaris e un bancut dulà che si podaran cjatâ materiâi informatîfs par furlan, gadgets e materiâi ludics e didatics gratuits pai fruts.

«Il turisim al è simpri di plui un setôr strategjic dal disvilup economic e sociâl dal nestri teritori e *Gusti di Frontiera* e je dal sigûr une des manifestazions plui impuartantis par promovi lis specialitâts enogastronomiche de region, dai teritoris dulintor e no dome – e à fat savê la Agenzie -. La valorizazion des nestris lenghis, tacant di chê furlane, e je dal sigûr utile e positive ancje in occasions tant che chestis, par fânus cognossi e “ricognossi” tant che teritori speciâl e atratîf, e e pues diventâ pardabon une marche che e ten dentri valôrs come l’ambient e lis produzions di presi, i popui, la ospitalitât, la storie e la culture de nestre region».

Udin, ai 25 di Setembar dal 2018

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<